

四庫全書

集部

欽定四庫全書

御定全唐詩卷七百二十五

于鄴

于鄴唐末進士詩一卷

書懷

長安多路岐西去欲何依  
浮世祇如此舊山長憶歸  
自離京國久應已故人稀  
好與孤雲住孤雲無是非

書情

負郭有田在年年長廢耕欲磨秋鏡淨恐見白頭生未  
作一旬別已過千里程不知書與劍十載兩無成

塗中作

一作出門

西

一作東

南千里程

一作行

處處有車聲若使地無利始應

人不營天涯猶馬到石跡尚

一作亦

塵生如此未曾息蜀

山終冀平

春過函谷關

幾度作遊

一作行

客客行長苦辛愁看函谷路老盡布衣

人歲遠關猶固時移草亦春何當名利息遣此絕征輪  
褒中即事

風吹殘雨歇雲去有煙霞南浦足遊女一作士綠蘋應發

花遠鐘當一作常半夜明月入一作落千家不作故鄉夢始

知京洛賒

歲暮還家

東西流不駐白日與車輪殘雪半成水微風應欲春幾  
經他國歲已減故鄉人回首長安道十年空一作長苦辛

還家

為客憶歸舍

一作來

歸來還寂寥壯時看欲過白首固

一作

故

非遙獨酌幾回醉此愁終

一作終年恨

不銷猶殘雞與犬

驅

一作同

去住山椒

題華山麻處士所居

一本無所居二字

貴賤各擾擾皆逢朝市間到此馬無迹始知君獨閑冰

破聽敷水雪晴

一作消一作時

看華山西風寂寥地唯我坐忘

還

天南懷

一作憶故人

獨行千里塵  
輶輶轉征輪  
一別已多日  
總看成老人  
洞庭雪不下  
故國草應春  
三月煙波暖  
南風生綠蘋

路傍草

春至始青青  
香車碾已平  
不知山下處  
來向一作繞路傍

生每歲有人在  
何時無馬行  
應隨一作和塵與土  
吹滿洛

陽城

秋夕聞雁

星漢欲沈盡誰家砧未休忽聞涼雁至如報杜陵秋千

樹又

一作有

黃葉幾人新白頭洞庭今夜客一半却登

一作

回舟

洛中有懷

潺潺伊洛河寂寞少恩波鑾駕久不

一作不東

幸洛陽春草

多

送魏山韋處士

一作送田處士西遊

陰陰亭

一作田

際間相顧慘離顏一片雲飛去嗟峨空魏

山

白櫻桃

王母階前種幾株  
水晶簾內看如無  
只應漢武金盤上  
瀉得珊珊白露珠

白櫻樹

記得花開雪滿枝  
和蜂和蝶帶花移  
如一作只今花落遊

蜂去空作主人惆悵詩

下第不勝其忿題路左佛廟



雀兒未逐颺風高下視鷹鷂意氣豪自謂能生千里足  
黃昏依舊委蓬蒿

感懷

一作感情 以下一本俱作于武陵詩

東風吹草色空使客蹉跎不設太平險更應遊子多幾

傷

一作鰲

行處淚

一作酒

一曲醉中歌盡向青門外東隨渭

水波

遊中梁山

僻地好泉石何人曾陸沈不知青嶂外更有白雲深因

此見喬木幾回思舊林殷勤援與一作與援鳥唯我獨何心

### 尋山

到此絕車輪萋萋草樹春青山如有利白石亦成塵水  
濶應無路松深不見人如知巢與許千載迹猶新

### 宿江口

南渡人來絕喧喧雁滿沙自生江上月長有客思家半  
夜下霜岸北風吹荻花自驚歸夢斷不得到天涯

### 秋夜達蕭關

擾擾浮

一作遊

梁路人忙月自閑去年為塞客今夜宿蕭

關辭國幾經歲望鄉空見山不知江葉下又作布衣還

斜谷道

亂峰連疊嶂千里綠峨峨蜀國路如此遊人車亦過遠  
煙當驛斂驟雨逐風多獨憶紫芝叟臨風歌舊歌

過百牢關貽舟中者

蜀國少平地方思京洛間遠為千里客來度百牢關帆

影清江水鈴聲碧草山不因

一作貪

名與利爾我

一作我爾

各

應閒

客中覽鏡

何當開此鏡即見髮如絲  
白日急於水少年能幾時  
每逢芳草處長返故園遲  
所以多為客蹉跎欲怨誰

長安逢隱者

征車千里至碾遍六街塵  
向此有營地忽逢無事人  
昔時顏未改浮世路多新  
且脫衣沽酒終南山欲春

與僧話

一作舊語

草堂前有山一見一相寬處世貴僧靜青松因歲寒他  
山逢舊侶盡日話長安所以閒行迹千回繞藥欄

贈王道士

日日市朝路何時無苦辛不隨丹竈客終作白頭人浮  
世度千載桃源方一春歸來華表上應笑北邙塵

匣中琴

世人無正心蟲網匣中琴何以經時廢非為娛耳音獨  
今高韻在誰感隙塵深應是南風曲聲聲不合今

友人亭松

俛仰不能去如逢舊友同曾因春雪散見在華山中何處有明月訪君聽遠風相將歸未得各占石巖東

過洛陽城

古來利與名俱在洛陽城九陌鼓初起萬車輪已行周秦時幾變伊洛水猶清二月中橋路鳥啼春草生

客中月

一作望月

離家凡幾宵一望一寥寥新魄又將滿故鄉應漸遙獨

臨彭蠡水遠憶洛陽橋更有乘舟客悽然亦駐橈

王將軍宅夜聽歌

朱檻滿

一作鋪

明月美人歌落梅忽驚塵起處疑有鳳飛

來一曲聽初徹幾年愁暫開東南正雲雨不得見陽臺

長信

一作春宮

莫問

一作訪

古宮名古宮空有

一作古

城惟

一作只

應東去水

不改舊時聲

高樓

遠天明月出照此誰家樓上有羅衣裳一作色涼風吹不

休

一作秋



御定全唐詩卷七百二十五

欽定四庫全書

御定全唐詩卷七百二十六

陸貞洞

陸貞洞吳郡進士詩一首

和三鄉詩

會昌時有女子題詩  
三鄉驛和者十人

惆悵殘花怨暮春  
孤鸞舞鏡倍傷神  
清詞好箇干人事  
疑是文姬第二身

劉谷

劉谷與李郢同時詩一首

和三鄉詩

蘭蕙芬香見玉姿  
路傍花笑景遲遲  
亭蘿山下無窮意  
併在三鄉惜別時

王祝

王祝字不耀給事中常州刺史詩一首

和三鄉詩

女几山前嵐氣低  
佳人留恨此中題  
不知雲雨歸何處

空使王孫見即迷

王滌

王滌字用霖瑯琊人景福中擢第累官中書舍人後終  
於閩詩一首

和三鄉詩

浣紗游女出關東舊跡新詞一夢中槐陌柳亭何限事  
年年迴首向春風

韋承

韋冰唐末鄴令詩一首

和三鄉詩

來時歡笑去時哀  
家國迢迢向越臺  
待寫百年幽思盡  
故宮流水莫相催

李昌鄴

李昌鄴唐末人詩一首

和三鄉詩

紅粉蕭娘手自題  
分明幽怨發雲闥  
不應更學文君去

泣向殘花歸剡溪

王碩

王碩唐末人詩一首

和三鄉詩

無姓無名越水濱  
芳詞空怨路傍人  
莫教才子偏惆悵

宋玉東家是舊鄰

李縞

李縞唐末人詩一首

和三鄉詩

會稽王謝兩風流王子沉淪謝女愁  
歸思若隨文字在路傍空為感千秋

張綺

張綺唐末人詩一首

和三鄉詩

洛川依舊好風光蓮帳無因見女郎  
雲雨散來音信斷此生遺恨寄三鄉

高衢

高衢唐末人詩一首

和三鄉詩

南北千山與萬山  
軒車誰不思鄉關  
獨留芳翰悲前跡

陌上恐傷桃李顏

賈馳

賈馳與曹鄴同時詩二首

復覩三鄉題處留贈



壁古字未滅聲長響不絕蕙質本如雲松心應耐雪耿

耿離幽

一作崖

谷悠悠望甌越杞婦哭夫時城崩無此說

秋入關

河上微風來關頭樹初濕今朝關城吏又見孤客入上  
國誰與期西來徒自急

趙光遠

趙光遠華州刺史隲之子不第而沒光化中韋莊奏贈

官詩三首

咏手二首

妝成皓腕洗凝脂背接紅巾掬水時薄霧袖中拈玉笋  
斜陽屏上撚青絲喚人急拍臨前檻摘杏高揎近曲池  
好是琵琶絃畔見細圓無節玉參差

撚玉搓瓊軟復圓綠窗誰見上琴絃慢籠彩筆閒書字  
斜指瑤階笑打錢爐面試香添麝炷舌頭輕點貼金鈿  
象床珍簟宮綦處拈定文楸占角邊

題妓萊兒壁

一作題北  
里妓人壁

魚鑰獸環斜掩門  
萋萋芳草憶王孫  
醉凭青瑣窺韓壽  
閒擲金梭惱謝鯤  
不夜珠光連玉匣  
辟寒釵影落瑤尊  
欲知腸斷相思處  
役盡江淹別後魂

鄭良士

一作  
士良

鄭良士字君夢  
閩人昭宗時獻詩五百篇授補闕  
白巖集十卷今存三首

題興化高田院橋亭

到此溪亭上  
浮生始覺非  
野僧還惜別  
遊客亦忘歸  
月

滿千巖靜風清一磬微  
何時脫塵役杖履願相依

遊九鯉湖

仄徑傾崖不可通  
湖嵐林靄共溟濛  
九溪瀑影飛花外  
萬樹春聲細雨中  
覆石雲閒丹竈冷  
採芝人去洞門空  
我來不乞邯鄲夢  
取醉聊乘鄭國風

寄富洋院禪者

畫破青山路一條  
走鞭飛蓋去何遙  
礙天巖樹春先冷  
鎖院溪雲晝不銷  
雪上茗芽因客煮  
海南沈屑為齋燒

誰能學得空門士，冷却心灰守寂寥。

蕭頊

蕭頊蕭田人官侍郎昭宗末年嘗同翁承贊為冊禮使  
使閩詩一首

贈翁承贊漆林書堂詩

軺車故國世應稀，昔日書堂二紀歸。  
手植松筠同茂盛，身榮金紫倍光輝。  
入門鄰里喧迎接，列坐兒童見等威。  
却對芸窗勤苦處，舉頭全是錦為衣。



御定全唐詩卷七百二十六

欽定四庫全書

御定全唐詩卷七百二十七

胡令能

胡令能莆田隱者少為負局鏤釘之業夢人剖其腹以  
一卷書內之遂能吟詠遠近號為胡釘鉸詩四首

喜韓少府見訪

忽聞梅福來相訪  
笑著荷衣出草堂  
兒童不慣見車馬  
走入蘆花深處藏



觀鄭州崔郎中諸妓繡樣

一本題作  
詠繡障

日暮堂前花藥嬌，爭拈小筆上牀描。  
繡成安向春園裏，引得黃鶯下柳條。

小兒垂釣

蓬頭稚子學垂綸，側坐莓苔草映身。  
路人借問遙招手，怕得魚驚不應人。

王昭君

胡風似劒鏖人骨，漢月如鉤釣胃腸。  
魂夢不知身在路，

夜來猶自到昭陽

嚴郾

嚴郾唐末人詩二卷今存二首

望夫石

何代提戈去不還獨留形影白雲間  
肌膚銷盡雪霜色  
羅綺點成苔蘚斑江鷺不能傳遠信  
野花空解妬愁顏  
近來豈少征人婦笑採蘼蕪上北山

賦百舌鳥

此禽輕巧少同倫我聽長疑舌滿身星未沒河先報曉  
柳猶粘雪便迎春頻嫌海燕巢難定却訝林鶯語不真  
莫倚春風便多事玉樓還有晏眠人

蔣肱

蔣肱唐末嘗客荆南成汭幕詩一首

永州陪鄭太守登舟夜宴席上各賦詩

江頭朱紱間青衿豈是仙舟不可尋誰敢強登徐稚榻  
自憐還學謝安吟月凝蘭櫂輕風起妓勸金罍盡醉斟

剪盡蠟紅人未覺歸時城郭曉煙深

張迥

張迥唐末人少年苦吟夢五色雲自天而下取吞之遂  
精雅道詩一首

寄遠

錦字憑誰達閑庭草又枯夜長燈影滅天遠雁聲孤蟬  
鬢凋將盡虬髯白也無幾回愁不語因看朔方圖

迥嘗  
攜此

謁齊已點頭吟諷為改虬髯

黑在無迥遂拜作一字師

張友正

張友正唐末人詩一卷今存二首

春草凝露

蒼蒼芳草色含露對青春已賴陽和長仍慙潤澤頻日  
臨殘未滴風度欲成津蕙葉垂偏重蘭叢洗轉新將行  
愁裏逕欲采畏濡身獨愛池塘畔清華遠襲人

錦帶佩吳鉤

帶劍誰家子春朝紫陌遊結邊霞聚錦懸處月隨鉤綵

縷迴文出雄芒練影浮葉依花裏艷霜向鐸中秋的皪  
宜驄馬爛編映綺裘應須持報國一刻月支頭

伍唐珪

伍唐珪袁州宜春人詩三首

山中卧病寄盧郎中

十年耕釣水雲間住僻家貧少往還一徑綠苔凝曉露  
滿頭白髮對青山野僧採藥來醫病樵客攜觴為解顏  
空戀舊時恩獎地無因匍匐出柴關

寒食日獻郡守

入門堪笑復堪憐  
三徑苔荒一釣船  
慙愧四隣教斷火  
不知廚裏久無煙

上蘇使君

江西昔日推韓注  
袁水今朝數趙祥  
縱使文翁能待客  
終栽桃李不成行

孫榮

孫榮字文威  
自號無為歷官御史翰林學士中書舍人

詩六首

贈妓人王福娘

綵翠仙衣紅玉膚，輕盈年在破瓜初。  
霞杯醉勸劉郎賭，雲髻慵邀阿母梳。  
不怕寒侵緣帶寶，每憂風舉倩持裾。  
謾圖西子晨一作為粧樣，西子元來未得如。

題妓王福娘牆

移壁迴窗費幾朝，指鐶偷解博紅一作蘭椒。  
無端鬪草輸

鄰女，更被拈將玉步搖。



寒繡衣裳餉阿嬌新團香獸不禁燒東鄰起樣裙腰濶

剗感黃金線

一作

幾

一作

條

以下二首題一作  
兩題北里妓人壁

一作

試共卿卿語笑初

一作  
麤

畫堂連遣侍兒呼寒肌不耐金

如意白獺為膏郎有無

### 戲李文遠

引君來訪洞中仙新月如眉拂戶前領取嫦娥攀取桂  
便從陵谷一時遷

### 題劉泰娘舍

泰娘北曲內小家中門前一樗樹  
年齒甚妙粗有容色以居非其所

人不知之余過其舍題詩云云同  
遊聞之詰朝詣之者結駟于門矣

尋常凡木最輕樗今日尋樗桂不如漢高新破咸陽後  
英俊奔波遂喫虛

顏蕘

顏蕘登進士第昭宗時為中書舍人詩一首

戲張道人  
不飲酒

言自雲山訪我來每聞奇秘覺叨陪吾師不飲人間酒  
應待流霞即舉杯

句

爽籟盡成鳴鳳曲遊人多是弄珠仙

見方輿勝覽

張為

張為唐末江南詩人詩一卷今存三首

秋醉歌

金風颯已

一作颯颯

起還是招漁翁攜酒天姥岑自彈嶧陽

桐脫却登山履赤脚翹青筇泉聲掃殘暑猿臂攀長松  
翠微泛罇綠苔蘚分煙紅造化處術內相對數壺空醉

眠嶺上草不覺夜露濃一夢到天曉始覺一醉中皎然  
夢中路直到瀛洲東初平把我臂相與騎白龍三留對  
上帝玉樓十二重上帝賜我酒送我敲金鐘寶閣香歛  
苒琪樹寒玲瓏動葉如笙篳音律相怡融珍重此一醉  
百骸出天地長如此夢魂永謝名與利

謝別毛仙翁

大中戊寅歲為薄游長沙獲女奴於岳麓下惑之歲餘成羸疾偶遇

仙翁知其為妖所祟以藥一粒授為焚之氣郁烈聞百步魅妾一號而斃乃木偶人也又吞以

丹砂如黍者三疾遂瘳為作詩別之

羸形感神藥削骨生豐肌  
蘭炷飄靈煙妖怪立誅夷  
重覩日月光何報父母慈  
黃河濁袞袞別淚流澌澌  
黃河清有時別淚無收期

漁陽將軍

霜髭擁頷對窮秋著白貂  
裘獨上樓向北望星提劍  
立一生長為國家憂

句

到處即閉戶逢君方展眉

紀事云為此句最有詩稱

馬冉

馬冉唐末萬州刺史詩一首

岑公巖

南溪有仙澗咫尺非人間  
泠泠松風下日暮空蒼山

周鏞

周鏞唐末諸暨縣人詩一首

諸暨五洩山

路入蒼煙九過溪  
九穿巖曲到招提  
天分五溜寒傾北

地秀諸峰翠挿西鑿徑破崖來木杪駕泉鳴竹落椽題  
當年老默無消息猶有詞堂一杖藜

劉贊

一作  
贊

劉贊唐末人詩一首

按唐末劉贊有三一魏州人舉進士為羅紹威判官仕唐明宗中書

舍人一仕閩王曦為御史中丞三人皆與羅隱同時未知孰是

贈羅隱

人皆言子屈獨我謂君非明主既難謁青山何不歸年

虛侵雪鬢塵枉污麻衣自古逃名者至今名豈微

句

絮花飛起雪漫漫長得宮娥帶笑看

柳枝詞見  
吟香襟錄

任翻

任翻

一作蕃

唐末人詩集一卷今存詩十八首

洛陽道

憧憧洛陽道塵下生春草行者豈無家無人在家老鷄  
鳴前結束爭去恐不早百年路傍盡白日車中曉求富



江海狹取貴山岳小二端立在途奔走無由了

春晴

楚國多春雨柴門喜晚晴幽人臨水坐好鳥隔花鳴野  
色臨空闊江流接海平門前到溪路今夜月分明

秋晚郊居

遠聲霜後樹秋色水邊村野逕無來客寒風自動門海  
山藏日影江月落潮痕惆悵高飛晚年年別故園

秋晚途次

秋色滿行路此時心不閑孤貧遊上國少壯有衰顏衆  
鳥已歸樹旅人猶過山蕭條遠林外風急水潺潺

葛仙井

古井碧沈沈分明見百尋味甘傳邑內脉冷應山心圓  
入月輪淨直涵峰影深自從仙去後汲引到如今

桐柏觀

飄飄雲外者

一作客

暫宿聚仙堂半夜人無語中宵月送

涼鶴歸高樹靜螢過小池光不得多時住門開是事忙

冬暮野寺

江東寒近臘野寺水天昏無酒可銷夜隨僧早閉門照  
牆燈影短著瓦雪聲繁飄泊仍千里清吟欲斷魂

贈濟禪師

碧峰秋寺內禪客已無情半頭髮根白一生心地清竹  
房侵月靜石徑到門平山下塵囂路終年誓不行

經墮淚碑

羊公傳化地千古事空存碑已無文字人猶敬子孫峴

山長閉恨漢水自流恩數處煙嵐色分明是淚痕

長安冬夜書事

憂來長不寐往事重思量清渭幾年客故衣今夜霜春風誰識面水國但牽腸十二門車馬昏明各自忙

越江漁父

借問釣魚者持竿多少年眼明汀島畔頭白子孫前櫂入花時浪燈留雨夜船越江深見底誰識此心堅

哭友人

逢著南州史江邊哭問君送終時有雪歸葬處無雲官  
庫惟留劍隣僧共結墳兒孫未成立誰與集遺文

送李衡

羈棲親故少遠別惜清才天畔出相送路長知未迴欲  
銷今日恨強把異鄉杯君去南堂後應無客到來

宮怨

淚乾紅落臉心盡白垂頭自此方知怨從來豈信愁

惜花

無語與花別細看枝上紅明年又相見還恐是愁中

宿巾子山禪寺

絕頂新秋生夜涼鶴翻松露滴衣裳前峰月映半江水  
僧在翠微開竹房

再遊巾子山寺

靈江江上幘峰寺三十年來兩度登野鶴尚巢松樹徧  
竹房不見舊時僧

三遊巾子山寺感述

清秋絕頂竹房開  
松鶴何年去不迴  
惟有前峰明月在  
夜深猶過半江來

荆浩

荆浩字浩然沁水人  
隱太行洪谷自號洪谷子  
工丹青尤長山水  
為唐末之冠詩一首

畫山水圖荅大愚

恣意縱橫埽峰巒  
次第成筆尖  
寒樹瘦墨澹野雲輕巖  
石噴泉窄山根到水平  
禪房時一展  
兼稱苦空情

張直

張直濮州人號逍遙先生青州王師範嘗聘之詩二首

宿顧城二首

顧城在范縣東

綠草展青裯  
樾影連春樹  
茅屋八九家  
農器六七具  
主人有好懷  
褰衣留我住  
春酒新潑醅  
香美連糟漉  
一醉臥花陰  
明朝送君去

醉臥夜將半  
土底聞雞啼  
驚駭問主人  
為我剖荒迷  
武湯東伐韋  
固君含悲悽  
神奪悔悟魄  
幻化為石雞  
形骸



僅盈寸咿喔若啁蜩吾村耕耘叟多獲於鋤犁

陳光

陳光唐末人詩一卷今存一首

題桃源僧

桃源有僧舍跬步異人天花亂似無主鶴鳴疑有仙  
軒廊明野色松檜濕春煙定擬辭塵境依師過晚年

御定全唐詩卷七百二十七

# 欽定四庫全書

集部

御定全唐詩卷七百二十九

詳校官庶吉士臣胡鉦

主事銜臣徐以坤覆勘

總校官知縣臣繆琪

校對官中書臣高 中

謄錄監生臣鄭 嶠

欽定四庫全書

御定全唐詩卷七百二十八

周曇

周曇唐末守國子直講詠史詩八卷今編爲二卷

吟敘

歷代興亡億萬心聖人觀古貴知今古今成敗無多事  
月殿花臺幸一吟

閒吟

考撫妍蚩用破心翦裁千古獻當今閒吟不是閒吟事  
事有閒思閒要吟

唐虞門

唐堯

祆氛不起瑞煙輕端拱垂衣日月明傳事四方無外役  
茅茨深處土堦平

虞舜

進善懲奸立帝功功成揖讓益溫恭滿朝卿士多元凱

為黥兒苗與四兒

舜妃

蒼梧一望隔重雲  
帝子悲尋不記春  
何事淚痕偏在竹  
貞姿應念節高人

再吟

瀟湘何代泣幽魂  
骨化重泉志尚存  
若道地中休下淚  
不應新竹有啼痕

三代門

夏禹

堯違天孽賴詢謨  
頓免洪波浸碧虛  
海內生靈微伯禹  
盡應隨浪化為魚

再吟

萬古龍門一旦開  
無成甘死作黃能  
司空定有匡堯術  
九載之前何處來

太康

師保何人為琢磨  
安知父祖苦辛多  
酒酣禽色方為樂

詎肯閑聽五子歌

后稷

人惟邦本本由農曠古誰高后稷功百穀且繁三曜在  
牲牢郊祀信無窮

文王

昭然明德報天休禴祭惟馨勝殺牛二老五侯何所詐  
不歸商受盡歸周

武王

文王寢膳武王隨內豎言安色始怡七載豈堪囚羑里  
一夫為報亦何疑

太公

昌獵關西紂獵東紂憐崇虎棄非熊危邦自謂多麟鳳  
肯把王綱取釣翁

再吟

東鄰不事事西鄰御物卑和物自親天下言知天下者  
兆人無主屬賢人



又吟

千妖萬態逞妍姿破國亡家更是誰  
匡政必能除苟媚去邪當斷勿狐疑

子牙妻

陵柏無心竹變秋不能同戚擬同休  
歲寒焉在空垂涕覆水如何欲再收

周公

文武傳芳百代基幾多賢哲守成規  
仍聞吐握延儒素

猶恐民疵未盡知

夷齊

讓國由衷義亦乖不知天命匹夫才將除暴虐誠能阻  
何異崎嶇助紂來

管蔡

伊商胡越尚同圖管蔡如何有異謨不念祖宗危社稷  
強干仁聖遣行誅

成王

成王有過伯禽答聖惠能新日自奇王道既成何所感  
越裳呈瑞鳳來儀

幽王

狼煙篝火為邊塵烽候那宜悅婦人厚德未聞聞厚色  
不亡家國幸亡身

平王

犬戎西集殺

一作  
犯滅

幽王邦土何由不便亡宜曰東來年

更遠川流難

一作  
雖

絕信源長

春秋戰國門

祭足

吳魯燕韓豈別宗  
曾無外禦但相攻  
當時周鄭誰為相  
交質將何服遠戎

再吟

周室衰微不共匡  
干戈終日互爭強  
諸侯若解尊天子  
列國何因次第亡

隱公

今古難隄是小人苟希榮寵任相親陳謀不信懷憂懼  
反間須防却害身

莊公

齊甲強臨力有餘魯莊為戰念區區魚麗三鼓微曹劄  
肉食安能暇遠謨

哀公

賢為鄰用國憂危廟算無非委豔奇兩葉翠娥春乍展  
一毛須去不難吹

再吟

好龍天為降真龍及見真龍瘁厥躬接下不勤徒好士  
葉公何異魯哀公

平公

鴻鵠輕騰萬里高何殊朝野得賢豪能知翼戴穹蒼力  
不是蒙茸腹背毛

文公

滅虢吞虞未息兵柔秦敗楚霸威成文公徒欲三強服

分晉元來是六卿

景公

覺病當宜早問師  
病深難療恨難追  
晉侯徒有秦壘緩  
疾在膏肓救已遲

衛靈公

子魚無隱欲源清  
死不忘忠感衛靈  
伯玉既親知德潤  
殘桃休喫悟蘭馨

陳靈公

誰與陳君嫁禍來孔寧行父夏姬媒靈公徒認徵舒面  
至死何曾識禍胎

陳蔡君

楚聘宣尼欲道光是時陳蔡畏鄰強庸謀但解遮賢路  
不解迎賢謀自昌

楚惠王

芹中遇蛭強為吞不欲緣微有害人何事免成心腹疾  
皇天惟德是相親



楚懷王

不聽陳軫信張儀六里商於果見欺  
既捨黔中西換得又令生去益堪悲

再吟

不得商於又失齊楚懷方寸一何迷  
明知秦是虎狼國更忍車輪獨向西

韓惠王

韓惠開渠止暴秦營田萬頃飽秦人  
何殊般肉供羸獸

獸壯安知不害身

頃襄王

秦陷荆王死不還祇緣偏聽子蘭言頃襄還信子蘭語  
忍使江魚葬屈原

武公

猛獸來兵祇為文豈宜涼德擬圖尊君看豹彩蒙麋質  
人取無難必不存

華元

未知軍法忌偏頗徒解于思腹漫皤昔日羊斟曾不預  
今朝為政事如何

臧孫

諸孟憎吾似犬獐賢臧哭孟倍傷情季孫愛我如甘疾  
疾足亡身藥故寧

公叔

吳起南奔魏國荒必聽公叔失賢良無謀縱欲離安邑

可免河溝

一作他時

徙大梁

莊辛

莊辛正諫謂妖詞兵及鄢陵始悔思見兔必能知顧犬  
亡羊補棧未為遲

孫臏

曾嫌勝已害賢人鑽火明知速自焚斷足爾能行不足  
逢君誰肯不酬君

靈轍

失水枯鱗得再生翳桑無地謝深情朱輪未染酬恩血

公子何由見赤誠

郭開

秦襲邯鄲歲月深何人沾

一作解

贈郭開金廉頗還國李

牧在安得趙王為爾擒

樂羊

枯羹忍啜得非忠巧佞胡為惑主聰  
盈篋謗書能寢默  
中山不是樂羊功

虞卿

割地求和國必危安知堅守絕來思年年來伐年年割  
割盡邯鄲何所之

豫讓

門客家臣義莫儔漆身吞炭不能休中行智伯思何異  
國士終期國士酬

毛遂

不識囊中穎脫雖功成方信有英奇平原門下三千客  
得力何曾是素知

再吟

定獲英奇不在多  
然須設網遍山河  
禽雖一目羅中得  
豈可空張一目羅

田文

下客常才不足珍  
誰為狗盜脫強秦  
秦關若待雞鳴出  
笑殺臨淄土偶人

再吟

門下三千各自矜  
頻彈劍客獨無能  
田文不厭無能客

三窟全身果有憑

馮謹

鬼窟穿成主再興  
輩流孤伏敢驕矜  
馮謹不是無能者  
要試君心欲展能

章子

在家能子必能臣  
齊將功成以孝聞  
改葬義無欺死父  
臨戎安肯背生君

卞和



磷磷誰為惑溫溫至寶凡姿甚易分自是時人多貴耳  
目無明鑒使俱焚

李札

吹毛霜刃過千金生許徐君死挂林寶劍徒稱無價寶  
行心更貴不欺心

孫武

理國無難似理兵家法令貴遵行行刑不避君王寵  
一笑隨刀八陣成

夫差

信聽讒言疾不除忠臣須殺竟何如  
會稽既雪夫差死  
泉下胡顏見子胥

少孺

寶貴親仁與善鄰  
鄰兵何要互相臻  
螳螂定是遭黃雀  
黃雀須防挾彈人

蘇厲

百步穿楊箭不移  
養由堪教聽弘規  
身隆業著未知退

勿遣功名一旦隳

鬻拳

鬻拳強諫懼威刑退省懷慙不顧生雙刖忍行留痛恨  
惟君適足見忠誠

荆軻

反刃相酬是匹夫安知突騎駕羣胡有心為報懷權畧  
可在於期與地圖

再吟

幾尺如霜利不羣恩仇未報反亡身誠哉利器全由用  
可惜吹毛不得人

陳軫

丹青徒有逞諠譁有足由來不是蛇殺將破軍為柱國  
君今官極更何加

田饒

廚拋敗肉士懷飢倉爛餘糧客未炊臨難欲行求死士  
將何恩信致扶危

鮑叔

忠臣祝壽吐嘉詞  
鮑叔臨軒酒一卮  
安不忘危臣所願  
思危困必無危

晏嬰

正人徒以刃相危  
貪利忘忠死不為  
麋鹿命懸當有處  
驅車何必用奔馳

再吟

下澤逢蛇蓋是常  
還如山上見豺狼  
國中有怪非蛇獸

不用賢能是不祥

又吟

馬斃廐人欲就刑百年臨盡一言生賴逢賢相能匡救  
仍免吾君播惡聲

叔向

重祿存家不敢言小臣憂禍亦如然明開諫諍能無罪  
祇此宜為理國先

師曠

老能勸學照餘生似夜隨燈到處明  
往行前言如不見暗中無燭若為行

智伯

三國連兵敵就擒晉陽城下碧波深  
風濤撼處看沈趙舟楫不從翻自沈

再吟

攻城未下惜先分一旦家邦屬四鄰  
徒逞威強稱智伯不知權變是愚人

襄子

君子常聞不迫危城崩何用急重圍叛亡能退修文德  
果見中年以義歸

楊回

三逐鄉閭五去君莫知何地可容身楊回不是逢英鑒  
白首無成一旅人

顏回

陋巷簞瓢困有年是時端木旣腥膻宣尼行教何形迹



不肯分甘救

一作徒行

子淵

子貢

救魯亡吳事可傷誰令利口說田常吳亡必定由端木  
魯亦宜其運不長

再吟

一言能使定安危安已危人是所宜仁義不思垂教化  
背恩亡德豈儒為

鄭相

鄭相清賢慎有餘好魚魚至竟何如退魚留得終身祿  
祿在何憂不得魚

子產

為政何門是化源寬仁高下保安全如嫌水德人多狎  
拯溺宜將猛濟寬

管仲

美酒濃馨客要沽門深誰敢強提壺苟非賢主詢賢士  
肯信沽人畏子獮

再吟

社鼠穿牆巧庇身何由攻灌若為燠能知窟穴依形勢  
不聽讒邪是聖君

范蠡

西子能令轉嫁吳會稽知爾咏姑蘇跡高塵外功成處  
一葉翩翩在五湖

屈原

滿朝皆醉不容醒衆濁如何擬獨清江上流人真浪死

誰知浸潤悞深誠

黃歇

春申隨質若王圖為主輕生大丈夫女子異心安足聽  
功成何更用陰謀

王后

連環要解解非難忽碎瑤堦一旦間兩國相持兵不解  
會應俱碎似連環

樊姬

側影頻移未退朝  
喜逢賢相日從高  
當時不有樊姬問  
令尹何由進叔敖

齊桓公

三往何勞萬乘君  
五來方見一微臣  
微臣傲爵能輕主  
霸主如何敢傲人

中山君

敵臨烹子一何庸  
激怒來軍速自攻  
結怨豈思圍不解  
愚謀多以殺為雄

趙簡子

簡子雄心蓄霸機  
賢愚聊欲試諸兒  
假言藏寶非真寶  
不是生知焉得知

再吟

諤諤能昌唯唯亡  
亦由匡正得賢良  
一從忠讜無周舍  
吾過何人為短長

趙宣子

門人曾不有提彌  
連噉呀呀孰敢支  
臨難若教無苟免

亂朝爭那以焚為

韓昭侯

去年秦伐我宜陽今歲天災旱且荒對此不思人力困  
樓門何可更高張

魏文公

冒雨如何固出畋慮乖羣約失乾乾文侯不是貪禽者  
示信將為教化先

郇成子

陳樂無懽璧在隅宰臣懷智有微謨苟非成子當明哲  
誰是仁人可託孤

秦武陽

卅歲徒聞有壯名及令為副誤荆卿是時環柱能相副  
誰謂燕囚事不成

田子方

太子無嫌禮樂虧願聽貧富與安危賤貧驕物貧終在  
富貴驕人貴必墮



淳于髡

穰穰何禱手何齋一呷村漿與隻雞以少求多誠可笑  
還如輕幣欲全齊

再吟

戲問將何對所耽滑稽無骨是常譚昔時王者皆通四  
近見君王祇好三

再吟

曲突徙薪不謂賢焦頭爛額饗盤筵時人多是輕先見

不獨田家國亦然

田子奇

少年為吏慮非循一騎奔追委使臣使者不追何所對  
車中緣見白頭人

百里奚

船驥由來是股肱在虞虞滅在秦興裁量何異刀將尺  
祇繫用之能不能

孫叔敖

童稚逢蛇歎不祥  
慮悲來者為埋藏  
是知陽報由陰施  
天爵昭然契日彰

魯仲連

昔迸燒牛發戰機  
夜奔驚火走燕師  
今來躍馬懷驕惰  
十萬如無一撮時

宋子罕

子憐溫潤欲歸仁  
吾貴堅廉是寶身  
自有不貪身內寶  
玉人徒獻外來珍

宮之奇

虞虢相依自保安謀臣吞度不為難貪憐璧馬迷香餌  
肯信之奇諭齒寒

王孫滿

九牧金鎔物像成辭昏去亂祚休明興亡在德不在鼎  
楚子何勞問重輕

顏叔子

夜雨鄰娃告屋傾一宵從寄念悲驚誠知獨處從燒燭

君子行心要自明

張孟譚

強兵四合國將危  
賴有謀臣為發揮  
城內蒿銅誠自有  
無謀誰解見玄機

公子無忌

按劍臨籠震咄呼  
鵑甘泉戮伏鳩  
辜能憐鈍拙誅豪俊  
憫弱摧強真丈夫

再吟

趙解重圍魏再昌信陵賢德日馨芳昏蒙愚主聽讒說  
公子云亡國亦亡

侯嬴朱亥

屠肆監門一賤微信陵交結國人非當時不是二君計  
疋馬那能解趙圍

再吟

走敵存亡義有餘全由雄勇與英謨但如公子能交結  
朱亥侯嬴何代無



御定全唐詩卷七百二十八



欽定四庫全書

御定全唐詩卷七百二十九

周曇

秦門

胡亥

鹿馬何難辨是非  
寧勞卜筮問安危  
權臣為亂多如此  
亡國時君不自知

再吟

盜賊縱橫主惡聞遂為流矢犯君軒怪言何不早言者  
若使早言還不存

趙高

趙高胡亥速天誅率土興兵怨毒痛豐沛見機羣小吏  
功成兒戲亦何殊

陳涉

秦法煩苛霸業隳一夫攘臂萬夫隨王侯無種英雄志  
燕雀喧喧安得知

項籍

九垓垂定棄謀臣  
一陣無功便殺身  
壯士誠知輕性命  
不思辜負八千人

范增

智士寧為暗主謨  
范公曾不讀兵書  
平生心力為誰盡  
一事無成空背疽

前漢門

高祖

愛子從烹報主時  
安知強啜不含悲  
太公懸命臨刀几  
忍取枯羹欲為誰

再吟

北伐匈奴事可悲  
當時將相是其誰  
君臣束手平城裏  
三十萬兵能忍飢

周苛紀信

為主堅能不顧身  
赴湯蹈火見忠臣  
後來邦國論心義  
誰是君王出熱人

鄼侯

共怪鄼侯第一功  
咸稱得地合先封  
韓生不是蕭君薦  
獵犬何人為指蹤

曲逆侯

社肉分平未足奇  
須觀大用展無私  
一朝如得宰天下  
必使還如宰社時

薛公

黥布稱兵孰敢當  
薛公三計為斟量  
上中良策知非用

南取長沙是死鄉

條侯

上將風戈賞罰明  
矛鋌嚴閉亞夫營  
人君却稟將軍令  
按轡垂鞭為緩行

平津侯

儒素逢時得自媒  
忽從徒步列公台  
北辰如不延吾輩  
東閣何由逐汝開

博陸侯

棟梁徒自保堅貞毀穴難防雀鼠爭不是主人知詐偽  
如何柱石免欹傾

夏賀良

漢代中微亦再昌忠臣憂國冀修禳赤精符讖誠非妄  
枉殺無辜夏賀良

王莽

權歸諸呂牝鷄鳴殷鑒昭然詎可輕新室不因崇外戚  
水中安敢寄生營

再吟

重賦嚴刑作禍胎豈知由此亂離媒  
家傳揖讓亦難濟況是身從傾篡來

又吟

銅馬朱眉滿四方總緣居攝亂天常  
因君多少布衣士不是公卿即帝王

毛延壽

不拔金釵賂漢臣徒嗟玉豔委胡塵  
能知貨賄移妍醜



豈獨丹青畫美人

劉聖公

不納良謀劉續言胡為銜壁向崇宣傷哉亂帝途窮處  
何必當時譖福先

樊崇徐宣

庸中佼佼鐵錚錚百萬長驅入帝京首事縱驕三善在  
歸仁何慮不全生

僭號公孫述

劍蜀金湯孰敢爭子陽才業匪雄英方知在德不在險  
危棧何曾阻漢兵

後漢門

光武

成敗非儒孰可量儒生何指指蕭王蕭王得衆能寬裕  
吳漢歸來帝業昌

明帝

朝臣咸佞孰知非張佚公忠語獨奇博士一言除太傅

謚為明帝信其宜

桓帝

能嫌跋扈斬梁王寧便榮枯信段張襄楷忠言誰佞惑  
忍教奸禍起蕭牆

靈帝

榜懸金價鬻官榮千萬為公五百卿公瑾孔明窮退者  
安知高臥遇雄英

廢帝

亂兵如蝟走王師社稷顛危孰為持夜逐螢光尋道路  
漢家天子步歸時

獻帝

祇為曹侯數貴人普天黔首盡黃巾漢靈早聽侍中諫  
安得獻生稱不辰

再吟

咸怨刑科有黨偏耕夫無不事戎旃是時老幼飢號處  
一斛黃禾五百千

子密

子密封侯豈所宜能高德義必無為當時若縛還彭氏  
率土何憂不自歸

羊續

魚懸潔白振清風祿散親賓歲自窮單席寒廳慙使者  
葛衣何以至三公

楊震

為國推賢匪惠私千金為報遽相危無言暗室何人見

咫尺斯須已四知

趙孝

綠林清旦正朝飢  
豈計行人瘦與肥  
為感在原哀叫切  
鵲鴿休報聽雙飛

馬后

簾衣閑寂閱羣書  
薦達嬪妃廣帝居  
再實傷根嫌貴寵  
惠慈勞悴育皇儲

魏博妻

蘿挂青松是所依  
松凋蘿更改何枝  
操刀必割腕可斷  
磐石徒堅心不移

曹娥

心摧目斷哭江濱  
窺浪無蹤日又昏  
不入重泉尋水底  
此生安得見沈魂

周都妻

綠水雙鴛一已沈  
皇天更欲配何禽  
不將血涕隨霜刃  
誰見朱殷未死心

鮑宣妻

君惡奢華意不歡一言從儉亦何難但能和樂同琴瑟  
未必恩情在綺紈

呂母

獄無良吏雪無由處處戈鋌自執仇呂母銜冤窮老婦  
亦能為帥復私讎

三國門

蜀先主



豫州軍敗信途窮徐庶推能薦卧龍不是卑詞三訪謁  
誰令玄德主巴邛

再吟

一家區宇忽三分齷齪車書曷足論定有伊姜為佐輔  
忍教鴻鴈各乾坤

後主

萬峯如劍載前來危閣橫空信險哉對此玄休長歎息  
方知劉禪是庸才

吳後主

吳宮李主恣驕奢移盡江南百媚花  
一旦狂風江上起花隨風散落誰家

王表

王表聞聲莫見身吳中敬事甚君親  
是知邦國將亡滅不聽人臣聽鬼神

魯肅

輕財重義見英奇聖主賢臣是所依  
公瑾窘飢求子敬

一言纔起數船歸

晉門

晉武帝

漢貪金帛鬻公卿財贍羸軍冀國寧  
晉武鬻官私室富是知猶不及桓靈

再吟

君人為理在安民論道求賢德自新  
經國遠圖無所問何曾言指一何神

惠帝

蛙鳴堪笑問官私更勸飢人食肉麋蒙昧萬機猶婦女  
寇戎安得不紛披

賈后

賈后甘為廢戮人齊王還殺趙王倫一從天下無真主  
瓜割中原四百春

懷帝

蕃漢戈矛遍九垓兩京簪紱走黃埃劉聰大會平陽日

遣帝行觴事可哀

愍帝

耕牛喫盡大田荒  
二兩黃金糴斗糧  
御粥又聞無麴屑  
不降胡虜奈飢腸

郭欽

誰疑忠諫郭欽言  
不逐戎夷出塞垣  
晉室既無明聖主  
果為胡虜亂中原

王夷甫

六合誰為輔弼臣八風昏處盡胡塵是知濟弱扶傾術  
不屬高談虛論人

王茂弘

韓魏荆揚日豈堪胡風看欲過江南中原一片生靈血  
誰秉王綱色不慙

吳隱之

聞說貪泉近鬱林隱之今日得深斟徒言滴水能穿石  
其那堅貞匪石心

再吟

貪泉何處是泉源只在靈臺一點間必也心源元自有  
此泉何必在江山

六朝門

前趙劉聰

戎羯誰令識善言刑將不捨遽能原垂成却罷鳳儀殿  
仍改逍遙納諫園

前涼張軌

官從主簿至專征誰遣涼王破趙名益信用賢由拔擢  
穰苴不是將家生

後魏武帝

太武南征似卷蓬徐陽兗蔡殺皆空從來弔伐寧如此  
千里無煙血草紅

三廢帝

明莊節憫併罹殃命在朱高二悖王已歎一年三易換  
更嗟毆辱下東廊



符堅

百萬南征幾馬歸  
叛亡如蝟亦何悲  
賓擒敵國諸戎主  
更遣權兵過在誰

再吟

空知勇銳不知兵  
困獸孤軍未可輕  
安有長驅百餘萬  
身馳幾旅欲先征

又吟

水影星光怪異多  
不思修德事干戈  
無謀拒諫仍輕敵

國破身擒將奈何

宋武帝

棲棲老楚未遭時

一作悲憤

憑陵似迫危  
人傑既為王

謚識刀達誅斬獨何悲

二廢帝

肆意荒狂殺不辜  
方嗟廢帝又蒼梧  
自言威震為英武  
肯慮湘東與玉夫

齊廢帝東昏侯

定策誰扶捕鼠兒不憂蕭衍畏潘妃  
長圍既合刀臨項猶惜金錢對落暉

梁武帝

梁武年高厭六龍繁華聲色盡歸空  
不求賢德追堯舜翻作憂囚一病翁

再吟

興亡何故遽環迴湯紂身為事可哀  
莫是自長嫌勝已蔽賢猶執匹夫才

簡文帝

救兵方至強抽軍與賊開城是簡文曲項琵琶催酒處  
不圖為樂向誰云

元帝

木柵江城困魏軍王褒橫議過謀臣賓降未免俱為戮  
一死安能謝益仁

謝舉

叛奴逃數豈堪留忠節曾無肯到頭朱昇早能同遠見

青衫寧假帝登樓

朱异

徒覽儒書不學兵  
彥和虛得不廉名  
四郊多壘猶相罪  
國破將何謝太清

傅昭

為政殘苛獸亦飢  
除飢機在養疲羸  
人能善政獸何暴  
焉用勞人以檻為

宣帝

宣帝驕奢恣所為後宮升降略無時乘危自有妻公在  
安許鸞鳳是尉遲

李集

忠諫能堅信正臣三沈三屈竟何云每沈良久方能語  
及語還呼桀紂君

隋門

隋文帝

孤兒寡婦忍同欺輔政剛教篡奪為矯詔必能疎昉譯

直臣誠合重顏儀

獨孤后


腹生奚強有親疎  
憐者為賢棄者愚  
儲貳不遭讒構死  
隋亡寧便在江都

煬帝

拒諫勞兵作禍基  
窮奢極武向戎夷  
兆人疲弊不堪命  
天下嗷嗷新主資

賀若弼

破敵將軍意氣豪請除傾國斬妖嬈紅綃忍染嬌春雪  
瞪目看行切玉刀



御定全唐詩卷七百二十九



# 欽定四庫全書

集部

御定全唐詩卷七百

三十至  
三十五

詳校官庶吉士臣胡鉅

主事銜臣徐以坤覆勘

總校官知縣臣繆琪

校對官中書臣金光悌

謄錄監生臣吳裕昆

謄錄監生臣鄭嶠

欽定四庫全書

御定全唐詩卷七百三十

李九齡

李九齡洛陽人唐末進士入宋登乾德二年進士第三

人詩一卷

上清辭五首

八海浮生汗漫秋紫皇高宴五雲樓霓裳曲罷天風起

吹散仙香滿十洲

樓鑱彤霞地絕塵碧桃花發九天春東皇近日慵遊宴  
閒煞瑤池五色麟

上清仙路有丹梯影響行人到即迷不會無端箇漁父  
阿誰教入武陵溪

本來方朔是真仙偶別丹臺未得還何事玉皇消息晚  
忍教顚顚向人間

新拜天官上玉都紫皇親授五靈符羣仙箇箇來相問  
人世風光似此無

讀三國志

有國由來在得賢莫言興廢是循環武侯星落周瑜死  
平蜀降吳似等閒

山舍南溪小桃花

一樹繁英奪眼紅開時先合占東風可憐地僻無人賞  
拋擲深山亂木中

春行遇雨

夾路輕風撼柳條雨侵春態動無憀採香陌上誰家女

濕損釵頭翡翠翹

登樓寄遠

滿城春色花如雪  
極目煙光月似鉤  
總是動人鄉思處  
更堪容易上高樓

望思臺

漢武年高慢帝圖  
任人曾不問賢愚  
直饒四老依前出  
消得江充寵佞無

山舍偶題

門掩松蘿一徑深  
偶攜藜杖出前林  
誰知盡日看山坐  
萬古興亡總在心

荆溪夜泊

點點漁燈照浪清  
水煙疎碧月朧明  
小灘驚起鴛鴦處  
一隻採蓮船過聲

旅舍卧病

家隔西秦無遠信  
身隨東洛度流年  
病來旅館誰相問  
牢落閑庭一樹蟬

登昭福寺樓

旅懷秋興正無涯，獨倚危樓四望賒。  
谷變陵遷何處問，滿川空有舊煙霞。

代邊將

雪凍陰河半夜風，戰回狂虜血漂紅。  
據鞍遙指長安路，須刻麟臺第一功。

夜與張舒話別

愁聽南樓角又吹，曉雞啼後更分離。  
如何銷得淒涼思。

更勸燈前酒一卮

寒梅詞

霜梅先拆嶺頭枝  
萬卉千花凍不知  
留得和羹滋味在  
任他風雪苦相欺

題靈泉寺

入谷先生一陣香  
異花奇木簇禪堂  
可憐門外高低路  
萬轂千蹄日日忙

宿張正字別業



茅屋蕭寥煙暗後松窗寂歷月明初此時誰念孤吟客  
唯有黃公一帙書

鶴

天上瑤池覆五雲玉麟金鳳好為羣不須更飲人間水  
直是清流也汙君

過相思谷

悠悠信馬春山曲芳草和煙鋪嫩綠正被離愁著莫人  
那堪更過相思谷

寫莊子

聖澤安排當散地賢侯優貸借新居閑中亦有閑生計  
寫得南華一部書

山中寄友人

亂雲堆裏結茅廬已共紅塵跡漸疎莫問野人生計事  
窗前流水枕前書

欽定四庫全書

御定全唐詩  
卷七百三十

御定全唐詩卷七百三十